



UPM Juara Pidato Peniti V



Dari kiri Siti Nurhidayah Omar Aziz, Amirrudin Abd. Rahman dan Azri Zahier Azmi.

SERDANG, 22 Mac – Universiti Putra Malaysia (UPM) menjadi johan pertandingan Pidato Kepimpinan Harmoni Intervarsity (PENITI V) 2009 yang berlangsung di Dewan Sri Harmoni, Kolej Kelima UPM baru-baru ini.

UPM yang diwakili oleh Amirrudin Abd. Rahman, pelajar tahun dua Bachelor Pendidikan (Pengajaran Bahasa Inggeris Sebagai Bahasa Kedua) membawa pulang membawa pulang wang tunai berjumlah RM2,000, piala pusingan dan piala iringan yang disampaikan oleh Ketua Pengarah Jabatan Penerangan Malaysia, Datuk Abdullah Morad.

Tempat kedua dimenangi oleh Azri Zahier Azmi dari Universiti Malaya (UM) dan tempat ketiga pula dimenangi oleh Siti Nurhidayah Omar Aziz dari Universiti Teknologi Malaysia (UTM).

"Ini merupakan penyertaan saya kali keempat dan pada kali ini barulah saya memenangnya" kata Amirrudin. Pengajaran dari kekalahan yang lepas dan pembelajaran pidato johan terdahulu menjadi kunci kepada kemenangan saya pada tahun ini tambah beliau lagi.

"Pengajaran dari kekalahan yang lepas dan pembelajaran pidato dari johan yang dulu menjadi kunci kepada kemenangan saya pada tahun ini" katanya.

Objektif utama Peniti V ialah memperkukuh kemahiran berkomunikasi dengan luas dan berkesan serta memperkasa penggunaan Bahasa Melayu di kalangan mahasiswa dalam mendidato sesebuah isu.

Penasihat Peniti V, Tuan Syed Agil Alsagoff berharap agar program tersebut dapat diteruskan lagi dan jumlah penglibatan mahasiswa akan lebih memberangsangkan pada masa akan datang.

Sebanyak sepuluh Institut Pengajian Tinggi Awam (IPTA) mengambil bahagian dalam pertandingan pidato ini dan ia adalah acara tahunan anjuran Kolej Kelima UPM sejak 2005.



Amirrudin Abd. Rahman bersama replika cek, piala pusingan dan piala iringan.

Disediakan oleh Seksyen Media dan Publisiti, Bahagian Komunikasi Korporat, UPM.